

ТИББИЁТДА ҚЎЛЛАНИШИГА ДОИР ЙЎРИҚНОМА
КИНДИНОРМ А
(KINDINORM® А)

Савдо номи: КИНДИНОРМ А (KINDINORM® А)

Дори шакли: Гранулалар

Халқаро патентланмаган номи: йўк

Таркиби

10 г гранулада (5 та ўлчам) қуйидагилар сақланади:

таъсир этувчи моддалар: 25 мг Chamomilla dil. D12, 25 мг Valeriana dil. D6, 25 мг Kalium phosphoricum dil. D6, 25 мг Staphisagria dil. D12;

ёрдамчи моддалар: сахароза.

Таърифи

Ок ёки деярли ок рангли сферик гранулалар.

Фармакотерапевтик гуруҳи

Гомеопатик дори воситаси.

Фармакологик хусусиятлари

Гомеопатик даволаш касалликни тушуниш маъносида ва дори воситаларини қўлланишида анъанавий тиббиётдан аҳамиятли фарқ қилади. Гомеопатик воситалар организмнинг шахсий ҳимоя механизмларини рағбарлантиради ва шу тарзда ўзини-ўзи тиклаш қобилиятини фаоллаштиради. Гомеопатик воситаларга организмнинг реакцияси жуда шахсий. Шу сабабларга кўра доза-специфик фармакологик самаралар, фармакодинамик ёки фармакокинетик маълумотларни аниқлашнинг имконияти йўқ.

Қўлланилиши

Болалар ва ўсмирларда диққат ва концентрацияни танқислиги, асаб қўзғалувчанлиги, ҳаракатнинг гиперфаоллиги, ўқишдаги қийинчиликлар, уйқуни бузилиши ёки умумий ҳолсизлик ҳолатлари каби хулқни бузилишларида қўлланади.

Қўллаш мумкин бўлмаган ҳолатлар

Таъсир этувчи моддаларга юқори сезувчанликда қўллаш мумкин эмас.

Махсус кўрсатмалар ва эҳтиёткорлик чоралари

Препаратни овқат билан биргаликда қабул қилиш тавсия этилмайди.

Агар Сизнинг шифокорингиз Сизда/сизнинг фарзандингизда айрим қандларни ўзлаштираолмаслиги ҳақида огоҳлантирган бўлса, препаратни қабул қилишни бошлашдан аввал шифокор билан маслаҳатлашинг.

Препарат сахароза сақлайди. Фруктозани ўзлаштираолмасликнинг кам наслий муаммолари, глюкоза-галактозани кам сўрилиши ёки сахароза-изомальтаза танқислиги бўлган пациентлар ушбу дори воситасини қабул қилишлари мумкин эмас.

Препаратнинг хавфсизлиги ва самараси ҳақидаги маълумотларнинг йўқлиги сабабли Киндинорм А препаратини 1 ёшгача бўлган болаларда қўллаш мумкин эмас.

Шифокор билан маслаҳатлашинг:

- агар 8 ҳафта давомида соғайиш кузатилмаса,

- агар қўшимча шикоятлар пайдо бўлса.

Ҳомиладорлик ва эмизиш даврида қўлланилиши

Ушбу дори воситасини қабул қилишдан аввал пациентлар шифокор билан маслаҳатлашишлари тавсия этилади.

Бошқа фармацевтик препаратлар каби, Киндинорм А препаратини ҳомиладорлик ва эмизиш вақтида фақат фойда ва хавф нисбатини баҳолагандан сўнг қабул қилиш лозим.

Транспорт воситалари ёки бошқа механизмларни бошқариш қобилиятига таъсири

Препарат транспорт воситаларини бошқариш ва бошқа механизмлар билан ишлаш қобилиятига таъсир этмайди.

Бошқа дори воситалари билан ўзаро таъсири

Бошқа дори воситалари билан ўзаро таъсири кузатилмаган. Ушбу гомеопатик дори воситасини қўллаш бошқа дори воситаларини қабул қилишни чекламайди.

Агар Сизнинг фарзандингиз бошқа ҳар қандай дори воситаларини қабул қилаётган бўлса, яқинда қабул қилган бўлса ёки қабул қилиши мумкин бўлса, шифокор билан маслаҳатлашиш тавсия этилади.

Эслатма: гомеопатик дори препаратларининг таъсирига чекиш ва алкогольни истеъмол қилиш каби ҳаётнинг ёмон одатлари салбий таъсир этиши мумкин.

Дозалаш тартиби ва қўллаш усули

Доимо ушбу тиббиётда қўлланишига доир йўриқномага ёки ўзингизни шифокорингиз ёки фармацевтнинг кўрсатмаларига риоя қилинг. Агар сиз препаратни тўғри қабул қилаётганингизга ишонч ҳосил қилмасангиз ўзингизни шифокорингиз ёки фармацевт билан маслаҳатлашинг.

Дозалаш тартиби:

1 дан 5 ёшгача бўлган болалар:	2 гранулалар кунига 1 дан 3 мартагача
6 дан 11 ёшгача бўлган болалар:	3 гранулалар кунига 1 дан 3 мартагача
12 ёш ва катта ўсмирлар:	5 гранулалар кунига 1 дан 3 мартагача

Қабуллар тез-тезлиги шикоятларнинг камайиши бўйича камайтирилиши лозим.

Қўллаш усули

Гранулали оғизда аста-секин сўриш лозим. Кичик болалар учун таблеткаларни кўп бўлмаган миқдордаги сув билан эритиш мумкин.

Гранулали овқатдан ярим соат олдин ёки ярим соат кейин қабул қилиш керак.

Препаратнинг ўтказиб юборилган қабулини ўрнини тўлдириш учун болага препаратни икки марталик дозасини берманг.

Дозани ошириб юборилиши ҳолатида ҳеч қандай салбий оқибатлар кутилмайди.

Препаратни қабул қилишни тўхтатиши ҳолатида ҳеч қандай салбий оқибатлар кутилмайди.

Ножўя реакциялари

Барча дори воситалари каби, препарат ножўя реакциялар чақириши мумкин, бироқ улар ҳар бир инсонда ривожланмайди.

Ножўя самаралари номаълум.

Агар Сиз фарзандингизда қандайдир ножўя самаралар пайдо бўлди деб ҳисобласангиз, шифокор ёки фармацевт билан суҳбатлашинг. Бу ушбу тиббиётда қўлланишига доир йўриқномада кўрсатилмаган ҳар қандай ножўя самараларни ўз ичига олади.

Эслатма: гомеопатик препаратларни қабул қилиш вақтида мавжуд бўлган шикоятлар вақтинчалик ёмонлашиши мумкин (бошланғич гомеопатик зўриқиш). Бундай ҳолларда пациентларга препаратни қабул қилишни тўхтатиш ва шифокор билан маслаҳатлашиш тавсия этилади.

Дозани ошириб юборилиши

Аникланмаган.

Ўрами

20 г гранулалар флаконларда, 1 флакон тиббиётда қўлланишига доир йўриқнома билан бирга ўрамда.

Сақлаш шароити

25°C дан юқори бўлмаган ҳароратда, болалар ололмайдиган жойда сақлансин.

Яроқлилик муддати

5 йил.

Ўрамида кўрсатилган яроқлилик муддати тугаганидан сўнг қўлланмасин.

Дорихоналардан бериш тартиби

Рецептсиз.

Ишлаб чиқарувчи

Др. Густав Кляйн ГмбХ & Ко. КГ.,
Штайненфельд 3, 77736 Целль ам Хармерсбах,
Германия

Рўйхатдан ўтказилганлик гувоҳномасининг эгаси

Альпен Фарма ГмбХ
Штайненфельд 3, 77736 Целль ам Хармерсбах,
Германия

Ўзбекистон Республикаси ҳудудида дори воситаларининг сифати бўйича эътирозлар (таклифлар) ни қабул қилувчи ташкилот номи ва манзили

“France Pharma” МЧЖ

Ўзбекистон Республикаси, 100041, Тошкент ш., М.Улуғбек тумани, Навнихол кўч. 86

Тел.: +99871 2309193

E-mail: infopharmaff@gmail.com